

第十一冊（全十八冊）

國家圖書館出版社

《史記》研究文獻輯刊

吳平 周保明 選編

第十一冊目錄

第十二冊

《史記》

研究文獻輯刊

國家圖書館出版社

第十一冊目錄

桐城吳先生點勘史記讀本一百三十卷(卷一百一十四—一百三十)	清·吳汝綸點校	民國	
四年(1915)鉛印本			一
史記校勘札記一百三十卷	清·劉光蕒等著	清光緒二十年(1894)	陝甘味經書院刻本
.....			二七七
史記評註讀本	秦同培選輯	民國十三年(1924)	上海世界書局石印本
.....			五一七

東越列傳第五十四

史記一百十四

閩越王無諸及越東海王搖者其先皆越王句踐之後也姓騶氏秦已并天下皆廢爲君長以其地爲閩中郡及諸侯畔秦無諸搖率越歸鄒陽令吳芮所謂鄒君者也從諸侯滅秦當是之時項藉主命弗王也漢依書增也字以故不附楚漢擊項藉無諸搖率越人佐漢漢五年復立無諸爲閩越王王閩中故地都東冶孝惠三年舉高帝時越功曰閩君搖功多其民便附乃立搖爲東海王都東甌世俗號爲東甌王後數世至孝景三年吳王濞反欲從閩越閩越未肯行獨東甌從吳及吳破東甌受漢購殺吳王丹徒以故皆得不誅歸國吳王子子駒匹走閩越怨東甌殺其父常勸閩越擊東甌至建元三年閩越發兵圍東甌東甌食盡困且降乃使人告急天子天子問太尉田蚡蚡對曰越人相攻擊固其常又

數反覆不足以煩中國往救也。自秦時弃弗屬於是中大夫莊助詰蚡曰：特患力弗能救，德弗能覆，誠能何故弃之？且秦舉咸陽而弃之，何乃越也？今小國以窮困來告急，天子弗振，彼當安所告愬？又何以子萬國乎？上曰：太尉未足與計。吾初卽位，不欲出虎符發兵郡國，乃遣莊助以節發兵會稽。會稽太守欲距不爲發兵，助乃斬一司馬，諭意指遂發兵浮海救東甌。未至，閩越引兵而去。東甌請舉國徙中國，乃悉舉衆來處江淮之間。至建元六年，閩越擊南越，南越守天子約，不敢擅發兵擊。而以聞，上遣大行王恢出豫章，大農韓安國出會稽，皆爲將軍，兵未踰嶺，閩越王郢發兵距險，其弟餘善乃與相宗族謀曰：王以擅發兵擊南越，不請，故天子兵來誅。今漢兵衆彊，今卽幸勝之，後來益多，終滅國而止。今殺王以謝天子，天子聽罷兵，固一國完，不聽，乃力戰，不勝，卽亡。

入海。皆曰：善。卽縱殺王，使使奉其頭。致大行。大行曰：所爲來者，誅王。今王頭至，謝罪，不戰而耘。

運惠棟云：耘，字之誤。與隕通。左傳：隕子孫利莫矣。說文引作耘。耘，古字。隕，今字。漢書作殞。利，莫。

大焉。乃以便宜案兵，告大農軍，而使使奉王頭馳報天子。詔罷兩將兵。曰：郢等首惡，獨無諸孫。絲君丑，不與謀焉。乃使郎中將立丑爲越。絲王奉閩越先祭祀。餘善已殺郢，威行於國。國民多屬，竊自立爲王。絲王不能矯其衆，持正。天子聞之，爲餘善不足復興師。曰：餘善數與郢謀亂，而後首誅郢，師得不勞。因立餘善爲東越王，與絲王竝處。至元鼎五年，南越反。東越王餘善上書，請以卒八千人從樓船將軍擊呂嘉等。兵至揭揚，以海風波爲解，不行。持兩端，陰使南越及漢破番禺，不至。是時樓船將軍楊僕使使上書，願便引兵擊東越。上曰：

漢書曰：作以。

士卒勞倦，不許罷兵。令諸校屯豫章梅嶺待命。元鼎六年秋，餘善聞樓船請誅之，漢兵臨

境且往。乃遂反。發兵距漢道。號將軍騶力等爲吞漢將軍。入白沙武林
 梅嶺。殺漢三校尉。是時漢使大農張成。故山州侯齒將屯。弗敢擊。卻就
 便處。皆坐畏懦誅。餘善刻武帝璽自立。詐其民爲妄言。天子遣橫海將
 軍韓說。出句章。浮海從東方往。樓船將軍楊僕出武林。中尉王溫舒出
 梅嶺。越侯爲戈船下瀨將軍。出如邪白沙。本作若邪。依漢書改。如案史
 文當作如邪。而正義引若邪
解之故曰。若如一也。下云蓋從如邪。白沙東如下。衍此字。元封元年冬。咸入東越。東越素發兵距險。
 使徇北將軍守武林。敗樓船將軍數校尉。殺長吏。漢書吏樓船將軍率
漢書卒錢唐曠絡古。本作終古。依震澤本改。斬徇北將軍爲禦兒侯。自兵未往。故
 越衍侯吳陽前在漢。漢使歸諭餘善。餘善弗聽。依漢書本重及橫海將
 軍先至。越衍侯吳陽以其邑七百人。反攻越軍於漢陽。從建成侯敖與
 其率從繇王居股謀曰。餘善首惡。劫守吾屬。今漢兵至衆彊。計殺餘善。

自歸諸將。儒幸得脫。乃遂俱殺餘善。以其衆降橫海將軍。故封繇王居股爲東成侯。萬戶。封建成侯。敖爲開陵侯。封越衍侯。吳陽爲北石侯。

漢書

作耶石功臣表作外石

封橫海將軍說爲案道侯。封橫海校尉福爲繚嫫侯。福者

成陽共王子。故爲海常侯。坐法失侯。舊從軍無功。以宗室故侯。諸將皆無成功。莫封。東越將多軍。漢兵至。奔其軍降。封爲無錫侯。於是天子曰。東越狹多阻。閩越悍數反覆。詔軍吏皆將其民徙處江淮閒。東越地遂虛。

太史公曰。越雖蠻夷。其先豈嘗有大功德於民哉。何其久也。歷數代常爲君王。句踐一稱伯。然餘善至大逆。滅國遷衆。其先苗裔繇王居股等。猶尙封爲萬戶侯。由此知越世世爲公侯矣。蓋禹之餘烈也。

朝鮮列傳第五十五

史記一百十五

朝鮮王滿者。故燕人也。自始全燕時。嘗略屬真番朝鮮。爲置吏。築鄣塞。

秦滅燕。屬遼東外徼。漢興。爲其遠難守。復修遼東故塞。至泅水爲界。屬

燕。燕王盧綰反。入匈奴。滿亡命。聚黨千餘人。魑結蠻夷。服而東走。出塞。

渡泅水。居秦故空地上下鄣。稍役屬真番朝鮮蠻夷。及故燕齊亡命。

命作者王之都王險。會孝惠高后時。天下初定。遼東太守卽約滿爲外

臣。保塞外蠻夷。無使盜邊。諸蠻夷君長欲入見天子。勿得禁止。以聞。上

許之。以故滿得以兵威財物。兵上以字侵降其旁小邑。真番臨屯皆來

服屬。方數千里。傳子至孫。右渠所誘漢亡人滋多。又未嘗入見。真番旁

衆國。衆漢書欲上書見天子。又擁閼不通。元封二年。漢使涉何譙諭右

渠。終不肯奉詔。何去。至界上。臨泅水。使御刺殺送何者。朝鮮裨王長。卽

渡。馳入塞。遂歸報天子曰。殺朝鮮將。上爲其名美。卽不詰。拜何爲遼東
 東部都尉。朝鮮怨何。發兵襲攻殺何。天子募罪人擊朝鮮。其秋。遣樓船
 將軍楊僕。從齊浮勃海。兵五萬人。左將軍荀彘出遼東。討右渠。右渠發
 兵距險。左將軍卒正多。某案多者卒正之名也率遼東兵先縱敗散。多還走。坐法
 斬。樓船將軍將齊兵七千人。先至王險。右渠城守。窺知樓船軍少。卽出
 城。擊樓船。樓船軍敗散走。將軍楊僕失其衆。遁山中十餘日。稍求收散
 卒。復聚。復本作得依震澤本改左將軍擊朝鮮。浪水西軍未能破。自前。天子爲兩
 將。未有利。乃使衛山。因兵威往諭右渠。右渠見使者。頓首謝。願降。恐兩
 將詐殺臣。今見信節。請服降。遣太子入謝。獻馬五千匹。及饋軍糧。人衆
 萬餘。持兵方渡浪水。使者及左將軍疑其爲變。謂太子已服降。宜命人
 毋持兵。太子亦疑使者左將軍詐殺之。遂不渡浪水。復引歸山。還報天

子天子誅山左將軍破泚水上軍乃前至城下圍其西北樓船亦往會居城南右渠遂堅守城數月未能下左將軍素侍中幸將燕代卒悍乘勝軍多驕樓船將齊卒入海固已多敗亡其先與右渠戰困辱亡卒卒皆恐將心慙其圍右渠常持和節左將軍急擊之朝鮮大臣乃陰閒使人私約降樓船往來言尙未肯決左將軍數與樓船期戰樓船欲急就其約不會左將軍亦使人求閒卻降下朝鮮朝鮮不肯心附樓船以故兩將不相能左將軍心意樓船前有失軍罪今與朝鮮私善而又不降疑其有反計未敢發天子曰將率不能前及使衛山諭降右渠右渠遣太子山使不能剽決與左將軍計相誤卒沮約今兩將圍城又乖異以故久不決使濟南太守公孫遂往征之通鑑考異云征字誤漢傳作正之某案征正古今字有使宜得以從事遂至左將軍曰朝鮮當下久矣不下者有狀言樓船數期

不會具以素所意告遂曰今如此不取恐爲大害非獨樓船又且與朝

鮮共滅吾軍遂亦以爲然而以節召樓船將軍入左將軍營計事卽命

左將軍麾下執捕漢書捕縛樓船將軍并其軍以報天子天子誅遂漢書誅作

許左將軍已并兩軍卽急擊朝鮮朝鮮相路人相韓陰漢書陰作陶尼谿相

參將軍王暎相與謀曰始欲降樓船樓船今執獨左將軍并將戰益急

恐不能與本作恐不能與戰案戰字後人所加王又不肯降陰暎路人

皆入降漢路人道死元封三年夏尼谿相參乃使人殺朝鮮王右渠來

降王險城未下故右渠之大臣成己又反復攻吏左將軍使右渠子長

降相路人之子最告諭其民誅成己以故遂定朝鮮爲四郡封參爲畫

清侯陰爲荻苴侯秋暎爲平州侯長爲幾侯最以父死頗有功爲溫陽侯

錢校溫改溫左將軍徵至坐爭功相嫉乖計棄市樓船將軍亦坐兵至

漢書作江陽

洌口當待左將軍擅先縱失入多當誅贖爲庶人

太史公曰右渠負固國以絕祀涉何誣功爲兵發首樓船將狹及難離咎悔失番禺乃反見疑苟彘爭勞與遂皆誅兩軍俱辱將率莫侯矣

某案此篇以爭功乖計爲主兩將固乖異矣前後三使亦皆乖計者也

朝鮮列傳第五十五

史記一百十五

西南夷列傳第五十六

史記一百十六

西南夷君長以什數。夜郎最大。其西靡莫之屬。以什數。滇最大。自滇以北。君長以什數。邛都最大。此皆魑結耕田。有邑聚。其外西自同師。以東北至檉榆。名爲徼昆明。音徼。音明。皆編髮。隨畜。遷徙。毋常處。毋君長。地方可數千里。白雉以東北。君長以什數。徙都最大。自徼以東北。君長以什數。日馳最大。其俗或土箸。或移徙。在蜀之西。白丹。馳以東北。君長以什數。白馬最大。皆氏類也。此皆巴蜀西南外蠻夷也。始楚威王時。使將軍莊蹻將兵循江上。略巴蜀黔中以西。莊蹻者。故楚莊王苗裔也。蹻至滇池。地方三百里。案案地方當作池。漢書無地字。案隱同。旁平地肥饒數千里。以兵威定屬楚。欲歸報。會秦擊奪楚巴黔中郡。道塞不通。因還。漢書還作迺。以其衆王滇。變服從其俗。以長之。秦時嘗頌。頌。漢書作破。略通五尺道。諸此國頗置吏焉。

十餘歲。秦滅及漢興，皆棄此國。而開蜀故徼。開漢書巴蜀民或竊出商。

賈取其祚馬、犍、僮、髦、牛，以此巴蜀殷富。建元六年，大行王恢擊東越，東

越殺王郢以報。恢因兵威，使番陽令唐蒙風指曉南越。南越食蒙蜀枸

醬。枸醬，音矩。蒙問所從來，曰：道西北牂柯。王云：道從也。牂柯江廣數里，出番禺

城下。蒙歸至長安，問蜀賈人。賈人曰：獨蜀出枸醬，多持竊出市。夜郎、夜

郎者，臨牂柯江，江廣百餘步，足以行船。南越以財物役屬夜郎，西至同

師，然亦不能臣使也。蒙乃上書說上曰：南越王黃屋左纛，地東西萬餘

里，名爲外臣，實一州主也。今以長沙、豫章往，以字疑是水道多絕，難行。

竊聞夜郎所有精兵，可得十餘萬，浮船牂柯江，出其不意，此制越一奇

也。誠以漢之彊，巴蜀之饒，通夜郎道，爲置吏，易甚。上許之。乃拜蒙爲郎

中將，將千人，食重萬餘人，從巴蜀徼關人，遂見夜郎侯多同。蒙厚賜，喻